



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



3750

ԹՆՈՒԱՌ ԵՂԻՍԱԲԵԹ

ՎԵՊԻԿ

Թ ա ր գ մ ա ն ե ց

ԴԱԻԹ ՏԵՐ - ԴԱԻԹԵԱՆՑ



Թ Ի Ֆ Լ Ի Չ

Тип. М. Вартамянца, Троиц. пер. д. № 11.

Տ ա ղ ա ղ ա ն Մ ո լ լ ա լ ա Վ ա ղ ա ղ ա ն ե ա ն ի

1891

1403

68

2011

891 71

25 SEP 2006

4-28


Ն. Մ. ԿԱՐԱՍՁԻՆ

ԹՆՈՒԱՌ ԵՂԻՍԱԲԷԹ

Վ. ԵՊԻԿ

Թ ա ր գ վ ա ն Ե ց

ԴԱԻԻԹ ՏԵՐ - ԴԱԻԹԵԱՆՑ




Թ Ի Յ Լ Ի Չ

Тип. М. Вартамянца, Троиц. пер. д. № 11.

Տպարան Մոսկու վարդապետանի

1891



Дозволено цензурою, Тифлисъ, 21-го Февраля 1891

113624-42



9693-73

# ԹՂՈՒՆՈՒ ԵՂԻՍԱԲԷԹ

Վ Է Պ Ի Կ

Գուցէ Մոսկուայի բնակիչներէից շատե-  
րը այնպէս լաւ ծանօթ չեն քաղաքի շրջա-  
կայքի հետ, ինչպէս ես, որովհետեւ ինձ-  
պէս յաճախ ոչ ոք չի գնում դաշտը,  
ոչ ոք ինձանից աւելի հետիոտ չի թափա-  
ռում առանց ծրագրի, առանց նպատակի՝  
մարգագետինները, անտառները, բլուրները  
եւ դաշտավայրերը: Իւրաքանչիւր ամառ  
գտնում եմ զբօսնելու նոր եւ հաճելի տեղեր  
եւ կամ հին տեղերը նոր գեղեցկութեամբ:

Բայց ինձ համար բոլորից աւելի ըն-  
դունելի եւ սիրելի տեղը այն տեղն է,  
ուր կանգնած է մուսլ զօթական ճաշա-

կով շինած Սիմէօնեան մենաստանի աշտա-  
րակը: Այդ լեռան վերայ կանգնած աջ  
կողմում տեսնուվես գրեթէ ամբողջ Մոս-  
կուան, իւր բազմաթիւ բնակարաններով եւ  
եկեղեցիներով, որը ներկայանում է աչքի  
առջեւ իբրեւ մի ահագին ամֆիթէատրօն. —  
հրաշալի տեսարան, մանաւաղ երբ լու-  
սաւորում է արեգակը, երբ երեկոյեան նորա  
բազմազոյն ճառագայթները ընկնում են  
անթիւ ոսկեայ գմբեթների, բազմաթիւ խա-  
չերի վերայ, որոնք ամպերին են հասնում: Ցա-  
ծումը տարածւում են սլարարտ, կանաչա-  
գարդ, ծաղկալից մարգերը, ի՞նչ նոցա միւս  
կողմը գեղին աւազի վերայով հոսում է  
յստակ գետը, որ ծփում է ձկնորսական  
նաւերի թեթեւ թիերի շարժումից, կամ  
աղմկում է բեռնաւորուած նաւի դեկի  
տակ, որ գալիս է Ռուսաստանի պտղատու  
երկիրներից եւ մատակարարում է ագահ  
Մոսկուային հաց: Գետի միւս ափին ե-  
րեւում է կաղնիների ծառաստանը, որի մօտ  
արածում են բազմաթիւ հօտեր, այնտեղ  
երիտասարդ հովիւները նստելով ծառերի



ստուերների՝ ներքոյ երգում են տխուր երգեր եւ սորանով կարճում են ամարային օրերը: Նորա մօտ խիտ եւ կանաչ կնձնի (ВЯЗЬ) ծառերի մէջ փայլում է Գանիէլեան ոսկեգմբեթաւոր մենաստանը. աւելի հեռու, համարեա հօրիզոնի ծայրին երեւում են Վարաբեւի կապոյտ լեռները: Զախ ափի վերայ երեւում են ընդարձակ դաշտեր՝ ծածկուած ցորենի հասկերով, անտառներ՝ խիտ ծառերով, երեք կամ չորս գիւղեր եւ հեռուից երեւում է Վալամին գիւղը իւր բարձր պալատով:

Յաճախ գալիսեմ այդտեղ եւ համարեա միշտ հանդիպումեմ գարնանը. գալիսեմ նաեւ աշնան ժամանակ, մռայլ օրերին՝ ողբալու բնութեան հետ միասին: Հողմը գժոխային ձայնով շշում է ամայացած մենաստանի բարձր խոտերով ծածկուած պատերի, գերեզմանների եւ խուցերի մութ անջքերի մէջը: Այնտեղ յենուելով աւեր դարձած գերեզմանաքարերին, ականջ եմ դնում ժամանակի խուլ հառաչանքին,

որից սիրտս սառսառում է եւ դողում: Երբեմն մտնումեմ խուցը եւ ներկայացնում աչքիս առջեւ այն անձանց, որոնք բնակւում էին այն տեղ, բայց աւանդ—տխուր պատկերներ...: Այստեղ տեսնումես ալեզարդ ծերին ծնկաչոք ընկած խաչելութեան առաջը աղօթելիս իւր երկրաւոր վախճանի շուտափոյթ գալստեան համար, պատճառ՝ որ նորա բոլոր զուարճութիւնները անյայտացան կեանքի մէջ, բոլոր զգացմունքները մեռան, բացի թուլութեան, եւ հիւանդութեան զգացմունքից: Այնտեղ դեռահաս արեղան, գունաթափ երեսով, մռայլ հայեացքով նայում է դէպի դաշտը իւր ցանկապատ պատուհանի արանքներից, տեսնում է զուարթ թռչուններ եթերային ուկկիանոսի մէջ ազատ լողալիս, տեսնում է եւ դառն արցունքն է թափում իւր աչքերից: Նա տանջւում, թառամում, թօշնում է եւ զանգակի տխուր զօղանջունը մահ է գուժում ինձ: Երբեմն տեսնումեմ տաճարի դռների գլխին նկարած հրաշքների պատկերները, որոնք կատարուել են այս

մենաստանի մէջ: Այնտեղ երկնքից ընկնում  
էին ձկներ, մենաստանի ընակիչներին յա-  
զեցնելու համար, երբ բազմաթիւ թշնա-  
միներով էին պաշարուած: Այստեղ Տիրա-  
մօր պատկերը փախցնում էր թշնամիներին:  
Այս բոլորը նորոգում են յիշողութեանս  
մէջ մեր հայրենեաց պատմութիւնը՝ այն  
տխուր ժամանակների պատմութիւնը, երբ  
կատաղի Թաթարները եւ Լիտուացիք հրով  
եւ սրով աւերում էին Ռուսաց մայրաքա-  
ղաքի շրջակայքը եւ երբ ապաքախտ Մոս-  
կուան, որպէս մի անպաշտպան այրի՝ միայն  
Աստուծոց էր սպասում օգնութիւն իւր դժըն-  
գակ թշուառութեանց համար:

*Առ. Մկրտիչ Տ.*

Այս բոլորից աւելի գրաւում են ինձ  
Սիւմէօնեան մենաստանի պարիսպները.—  
երբ մտաբերումեմ Եղիսաբէթի թշուառ  
բախտը— խնդճ Եղիսաբէթի: Ա՛խ, ես  
տիրումեմ այն առարկաները, որոնք շար-  
ժում են սիրտս եւ ստիպում են ինձ թա-  
փել աչքերիցս ցաւագին արցունքներ:

Վանքի պարիսպներից եօթանասուն  
սաժէն հեռու, թրղտենիների անտառի  
մօտ, կանաչազարդ մարգագետնի մէջ տե-  
ղը կանգնած է դատարկ խրճիթը, առանց  
դռների, առանց պատուհանների եւ առանց  
յատակի: Առաստաղը վաղուց կռացել էր  
եւ փլատակուել: Այս խրճիթի մէջ մեզանից  
քսան տարի առաջ բնակոււմ էր չքնադա-  
գեղ Եղիսաբէթը՝ իւր պառաւ մօր հետ:  
Եղիսաբէթի հայրը բաւական հարուստ գիւ-  
ղացի էր, որովհետեւ նա սիրում էր աշխա-  
տել, լաւ հերկում էր գետինը եւ միշտ  
լաւ կեանք էր վարում: Սակայն նորա մա-  
հից յետոյ կիներ եւ գուտորը աղքատացան:  
Վարձկանների ծոյլ ձեռքը վատ էր մշա-  
կում դաշտը, ուստի ցորենը դադարեցրեց  
իւր գեղեցիկ աճումը: Նոքա ստիպուած  
էին վարձով տալ իրանց հողը եւ այն էլ  
շատ ջնջին գնով: Ուստի, խեղճ այրին հա-  
մարեա անդադար աչքերից արցունք էր  
թափում իւր ամուսնու մահուան վերայ—  
որովհետեւ գեղջկուհիները եւս կարող են  
սիրել: Օր ըստ օրէ նա սկսաւ թուլանալ

մի-ի-բն-ը

}

եւ վերջապէս այլ եւս չը կարողացաւ աշխատել: Միայն Եղիսաբէթը, որ իւր հօր մահից յետոյ տասնեւհինգ տարեկան էր, միայն նա, չը խնայելով իւր քնքոյշ երիտասարդութիւնը, չը խնայելով իւր հազուագիւտ գեղեցկութիւնը, աշխատում էր օր ու գիշեր—հիւսում էր քաթան, գործում էր գուլպէք, գարնան ժամանակ ծաղիկներ էր վաճառում, իսկ ամառուայ ժամանակ հաւաքում էր մրգեղէններ եւ այդ բոլորը ծախում էր Մոսկուայում: Զգայուն եւ բարիպառաւր, տեսնելով իւր դստեր անխոնջ աշխատանքը, յաճախ սեղմում էր նորան իւր ծանր բարախող կրծքին, կոչում էր նորան Աստուծոյ ողորմութիւն, իւր կերակրիչ, ծերութեան մխիթարիչ եւ աղօթում ու փառաբանում էր Աստուծոն, որ նա վարձատրէ աղջկան այն բոլորի համար, ինչ որ նա անում էր մօրը: «Աստուած տուաւ ինձ աշխատելու ձեռք, ասում էր Եղիսաբէթը, դու կերակրեցիր ինձ քո կրծքով եւ մանկութեանս ժամանակ խնամեցիր ինձ, այժմ արդէն հասաւ ինձ հերթը քեզ խնամելու»:

Բաւական է տրտմես եւ լաց լինես, մեր  
արցունքը չէ կարող թշուառ հօրս կեն-  
դանացնել: »

Բայց յաճախ քնքոյշ Եղիսաբէթը չէր  
կարողանում զսպել իւր արցունքը—անխ,  
նա մտաբերում էր, որ ունեցել է մի ժա-  
մանակ հայր, որը այժմ չը կայ: Բայց մօ-  
րը հանդարտեցնելու համար աշխատում  
էր ծածկել իւր սրտի տրտմութիւնը եւ  
ցոյց էր տալիս իրեն հանգիստ եւ ուրախ:

— Հանդերձեալ կեանքում, սիրելի Եղի-  
սաբէթ, պատասխանում էր նեղեալ եւ  
տխուր պառաւը, հանդերձեալ աշխարհում  
ես կըդադարեցնեմ իմ լացը: Սյնտեղ, ասում  
են, ամենքը ուրախ կը լինեն. ես ճշմարիտ  
ուրախ կը լինեմ, երբ կը տեսնեմ քո հօրը:  
Միայն այժմ չեմ ուզում մեռնել. — ի՞նչ կը  
լինի արդեօք քո դրութիւնը առանց ինձ:  
Ու՞մ մօտ պէտքէ քեզ թողնեմ: Ա՛յ, տայ  
Ստոուած, որ առաջ տեղ գտնեմ քեզ հա-  
մար, գուցէ յայտնուի մի բարի մարդ. այն  
ժամանակ օրհնելով ձեզ, սիրելի մանուկ-

Ներս, կը խաչակնքեմ եւ խաղաղ կը պարկեմ խոնաւ հողի տակ:

Անցաւ երկու տարի Եղիսաբէթի հօր մահուանից յետոյ: Մարգագետինը ծածկուեցաւ ծաղիկներով եւ Եղիսաբէթը եկաւ Մոսկուա իւր հետ շուշաններ բերելով: Մի երիտասարդ գեղեցիկ պճնուած, համակրելի տեսքով, պատահեցաւ նորան ճանապարհին: Նա ցոյց տուաւ իւր ծաղիկները եւ կարմրեց:

— Ի՞նչ ապր ծախումես, օրիորդ, հարցրեց նա ժպտալով:

— Ծախումեմ, պատասխանեց Եղիսաբէթը:

— Որքան արժեն:

— Հինգ կոպէկ:

— Այդ շատ արժան է: Ահա քեզ մի բուբլի:

Եղիսաբէթը զարմանքից վստահացաւ նայել երիտասարդի երեսին, որով աւելի եւս կարմրեց եւ աչքերը խոնարհեցնելով

դէպի գետինը, պատասխանեց նորան, որ  
ինքը չէ վերցնում այդ բուբլին.

— Ինչի՞ համար.

— Ինձ գնից աւելին հարկաւոր չէ.

— Ես կարծումեմ, որ այն գեղեցիկ  
շուշանները, որոնք քաղուած են գեղեցիկ  
օրիորդի մատներով արժեն մի բուբլի: Եթէ  
դու հրաժարումես գորանից, ահա քեզ  
հինգ կոպէկ: Միայն ես կը ցանկանայի  
գնել քեզանից ծաղիկներ, կը կամենայի, որ  
դու քաղէիր այն բոլորը միմիայն ինձ հա-  
մար: Եղիսաբէթը տուաւ ծաղիկները, վերց-  
րեց հինգ կոպէկը, գլուխ տուաւ եւ կա-  
մենում էր գնալ, սակայն անժանօթը բռն-  
նելով նորա ձեռքից՝ կանգնացրեց:

— Ու՞ր ես գնում այժմ, օրիորդ.

— Տուն:

— Բայց որտե՞ղ է քո տունը.

Եղիսաբէթը յայտնեց նորան իւր բնա-  
կութեան տեղը եւ հեռացաւ: Երիտասարդը  
այլ եւս չը կամեցաւ նորան պահել, երեւի  
այն պատճառաւ, որ մօտիկից անցնողները



սկսան կանգնել եւ նայելով նոցա վերայ,  
խորամանկութեամբ ծիծաղել:

Եղիաբէթը վերադառնալով տուն,  
պատմեց մօրը այն բոլորը, ինչ որ իրեն  
պատահել էր ճանապարհին:— «Ի՞նչ շատ  
լաւ ես արել, որ չես վերցրել այն բուբլին:  
Պարելի է այն մարդը մի որեւէ սրիկայ  
էր...»

— Ա՛խ, ո՛չ, մայրիկ, ես այդ չեմ կար-  
ծում: Նա շատ բարի դէմք եւ գեղեցիկ  
ձայն ունէր:

— Բայց լաւ է, Եղիաբէթ, կերա-  
կրուիլ իւր աշխատանքով եւ ձրի ոչինչ չը  
վերցնել: Ի՞նչ դարձեալ չը գիտես, սիրելիս,  
թէ ի՞նչպէս չար մարդիկ կարող են խայտա-  
ռակել խեղճ օրիորդին: Ի՞մ սիրտը ամեն  
ժամանակ չէ կարողանում իւր տեղը հան-  
դարտ մ'նայ, երբ դու ման ես գալի քա-  
ղաքում, ես այն ժամանակ միշտ սուրբ  
պատկերի առաջ մոմ եմ վառում եւ աղօթում  
առ Աստուած, որպէս զի պահպանէ քեզ բո-  
լոր վտանգներից եւ դժբախտութիւններից: ✓

Եղիսաբէթի աչքերը լցուեցան արտա-  
սուքով, նա գրկեց եւ համբուրեց մօրը:

Միւս օրը Եղիսաբէթը քաղեց ամենա-  
գեղեցիկ շուշաններ եւ հետն առնելով,  
տարաւ քաղաք: Նորա աչքերը կարծես թէ  
հանդարտ մի որեւէ բան էին փնտռում:  
Շատերն էին կամենում նորանից ծաղիկներ  
գնել, բայց նա պատասխանում էր, թէ՛  
նորա ծախու չեն, եւ նայում էր այս ու  
այն կողմը: Հասաւ երեկոն, նա պէտքէ  
վերադառնար տուն, ուստի ծաղիկները  
Վ թափում է Մոսկուա գետը. — «Ո՛չ ոք չը  
տիրացաւ ձեզ», ասաց Եղիսաբէթը զգա-  
լով իւր սրտի տխրութիւնը:

\* 79  
Միւս օրը երեկոյեան նա նստած էր  
պատուհանի մօտ, մանում էր եւ ցածր  
ձայնով երգում էր մի տխուր երգ,  
բայց յանկարծ շփոթւում է եւ բացական-  
չում. «Ա՛խ...» անծանօթ երիտասարդը  
կանգնած էր պատուհանի առջեւ:

— Ի՞նչ պատահեց քեզ. հարցրեց վա-

խեցած մայրը, որ նորա մօտ նստած էր:

— «Ոչինչ, մայրիկ, պատասխանեց Եղիսաբէթը երկչոտ ձայնով, ես միայն տեսայ նորան:

— Ո՞ւմը.

— Այն պարոնին, որը ինձանից ծաղիկներ գնեց:

Պառաւր նայեց պատուհանից: Երիտասարդը այնպէս քաղաքավարի եւ գեղեցիկ ձայնով ողջունեց նորան, որ նա բացի լաւութիւնից, ուրիշ ոչինչ չը կարողացաւ նորա մասին մտածել:

— Ողջոյն ձեզ, բարի տիկին. ասաց նա, ես շատ յոգնածեմ, չունէք արդեօք թարմ կաթ:

Ծառայութիւն սիրող Եղիսաբէթը չը սպասելով իւր մօր պատասխանին՝ երեւի այն պատճառով, որ նա իւր մօրից առաջ էր ճանաչում, վազեց ներքնատուն, բերեց մի մաքուր աման (кринка) ծածկուած մաքուր կոթաւոր ըմպանակով, վերցրեց բա-

ժակը, լուաց, սրբեց սպիտակ քաթանով,  
լցրեց կաթնով եւ տուաւ պատուհանից երի-  
տասարդին, սակայն իւր աչքերը խոնարհեց-  
րած նայում էր գետնին: Անծանօթը խմեց  
այն, որ իրեն թուաց աւելի համեղ քան  
եթէ առնէր Հեբայի ձեռքից նեկտարը: Իւ-  
րաքանջիւրը կը գուշակէր, որ անծանօթը  
շնորհակալութիւն յայտնեց Եղիսաբէթին եւ  
գոհացաւ նորանից ոչ այնքան խօսքերով,  
որքան հայեացքով: Ապա բարի պառաւը  
պատմեց նորան բոլոր իւր ցաւերը եւ մխի-  
թարութիւնները՝ ամուսնու մահը, իւր դըս-  
տեր գեղեցիկ յատկութիւնները, նորա աշ-  
խատասիրութիւնը, քնքշութիւնը եւ այլն  
եւ այլն: Անծանօթը լսում էր ուշադրու-  
թեամբ, սակայն հարկաւոր է արդեօք ասել,  
թէ աչքերը ո՞րտեղ էին... Եղիսաբէթը,  
երկչոտ Եղիսաբէթը յաճախ նայում էր երի-  
տասարդի վերայ, սակայն փայլակը այնքան  
շուտով չէ փայլում եւ ամպերի մէջ անյայ-  
տանում, ինչքան նորա կապուտակ աչքերը  
պատահելով նորա հայեացքին խոնահւում  
էին դէպի գետինը:

— Ես կը ցանկայի, ասաց նա Եղիսա-  
բէթի մօրը, որ քո դուստրը միմիայն ինձ  
վերայ ծախէր իւր աշխատութիւնը: Այսպի-  
սով նա պարտաւորուած չի լինի յաճախ  
գալու քաղաք եւ դու ստիպուած չես լինի  
նորանից հեռանալու: Ես ինքս երբեմն կա-  
րողեմ մտնել ձեզ մօտ:

Այս ժամանակ Եղիսաբէթի աչքերում  
ուրախութիւն փայլեցաւ, որը սակայն իզուր  
էր կամենում ծածկել, նորա այտերը կար-  
մրեցան, որպէս ամարային պարզ երեկոյի  
վերջալոյսը: Պառաւր սիրով ընդունեց նորա  
առաջարկութիւնը, առանց կասկածելու թէ  
նա կարող է մի վատ դիտաւորութիւն ունե-  
նալ, եւ հաւատացրեց անձանօթին, որ Եղի-  
սաբէթի մանած քաթանը եւ նորա գործած  
գուլպաները աւելի լաւ են ուրիշներից եւ  
շատ ժամանակ են դիմանում: Արդէն մըթ-  
նել էր եւ երիտասարդը կամենում էր գնալ:

— Բայց ի՞նչպէս են ձեզ կոչում,  
բարի եւ քաղաք տարն, հարցրեց  
պառաւր:



— Ինչ կոչում են Էրաստ, պատասխանեց նա:


— Էրաստ, էրաստ, արտասանեց ցած ձայնով Եղիսաբէթը եւ նա հինգ անգամ կրկնեց այս անունը, կարծես, թէ աշխատում էր անգիր անել: Էրաստը, «մնաք բարեւ», ասելով գնաց: Եղիսաբէթի աչքերը յառած մնացին նորա յետելից, իսկ մայրը նստեց եւ ընկնելով մտածմունքների մէջ, բռնեց իւր դստեր ձեռքը եւ ասաց նորան.

— Ախ, Եղիսաբէթ, եթէ քո ամուսնացուն էլ լինէր այդպէս...: Այս խօսքերի վերայ Եղիսաբէթի ամբողջ սիրտը սկսաւ դողալ:

— Մայրիկ, մայրիկ, ի՞նչպէս կարող է այդ պատահել. նա պարոն, իսկ ես մի գեղջկուհի...:

Եղիսաբէթը չ'աւարտեց իւր խօսակցութիւնը:

Արդ՝ ընթերցողը պէտքէ իմանայ, որ այդ երիտասարդը, այդ Էրաստը ազնուական էր եւ բաւական հարուստ, բնաւորու-



Թեամբ բարեսիրտ, նորա հետ եւ հանձա-  
րեղ, սակայն Թոյլ եւ Թեթեւամիտ: Նա Թա-  
փառաշրջիկ կեանք էր վարում եւ միմիայն  
մտածում էր իւր զուարճութեանց վերայ,  
փնտռում էր նրանց աշխարհային զբօսանք-  
ների մէջ, սակայն յաճախ շէր յաջողում  
գտնել, ուստի տխրում էր եւ գանգաւ-  
ւում իւր ճակատագրից: Եղիսաբէթի գե-  
ղեցկութիւնը, հէնց առաջին անգամ հան-  
դիպելիս՝ նորա սրտի վերայ տալաւորութիւն  
գործեց: Նա կարգում էր վիսլասանութիւն-  
ներ, հովուերգութիւններ (ИДИЛЛІЯ), բաւա-  
կան կենդանի արտայայտութիւն ունէր եւ  
յաճախ մտքով սլանում էր դէպի այն ժամա-  
նակները (անցեալ եւ ապագայ) որոնց մէջ,  
եթէ հաւատալ բանաստեղծներին, բոլոր  
մարդիկը անհոգ զբօսնում էին մարգագե-  
տիւնների վերայ, լողանում էին մաքուր աղ-  
բիւրներում, համբուրւում էին որպէս տատ-  
րակներ, հանգստանում էին ծաղիկների  
տակ եւ իրանց օրերը անցկացնում էին  
զուարճալի տօնախմբութիւններով: Նրան  
այնպէս էր թւում, թէ Եղիսաբէթի մէջ

գտաւ այն, ինչ—որ իւր սիրտը վաղուց որո-  
նում էր: «Բնութիւնը հրաւիրում է ինձ  
դէպի իւր գիրկը, դէպի իւր ուրախ զուար-  
ճութիւնները», մտածեց նա, եւ վճռեց  
գոնէ ժամանակաւորապէս թողնել այս  
մեծ աշխարհը:

Այժմ դառնանք դէպի Եղիսաբէթը:  
Սկսաւ գիշերը.—մայրը օրհնեց իւր դստե-  
րը եւ մաղթեց նորան հագիստ քուն, բայց  
այս անգամ նորա ցանկութիւնը չը կատա-  
րուեցաւ: Եղիսաբէթը շատ վատ տրամա-  
դրութեամբ քնեց: Նորա հոգու նոր հիւրը՝  
էրաստի պատկերը այնպէս կենդանի ներ-  
կայանում էր նորան, որ նա շատ շուտ  
շուտ զարթնում էր եւ հառաչում: Նախ  
քան արեգակի ծագելը, Եղիսաբէթը վեր  
կացաւ, գնաց Մոսկուա գետի ափը, նրս-  
տեց խոտերի վերայ եւ շփոթուած նայում  
էր սպիտակ ամպերին, որոնք լողում  
էին օդի մէջ եւ բարձրանալով վերեւ  
անհետանում էին: Ամեն տեղ թագա-  
ւորում էր խաղաղութիւն: Նուտով լոյսը բաց-



ուեց. արթնացան բոլոր արարածները, ան-  
տառները, թփերը կենդանացան, թռչունները  
թռան եւ երգեցին, ծաղիկները բարձրացրին  
իրանց գլուխները, որպէս զի արբենան լոյսի  
կենդանացուցիչ ճառագայթներով: Այսուա-  
մենայնիւ Եղիսաբէթը դարձեալ նստած էր  
շփոթուած եւ տխուր: Ա՛խ Եղիսաբէթ,  
Եղիսաբէթ, ի՞նչ պատահեց քեզ այժմ, քնելով  
թռչունների հետ միասին, նոցա հետ էլ ուրա-  
խանում էիր առաւօտեան, եւ քո մաքուր ու-  
րախալի հոգու արտայայտութիւնը փայլում ✓  
էր աչքերիդ մէջ այնպէս՝ ինչպէս արեգակը  
փայլում է երկնային ցօղի կաթիլների մէջ.  
բայց այժմ դու լուռ ես եւ բնութեան  
ընդհանուր ուրախութիւնը հաճելի չէ քո  
սրտին: Այն ժամանակ երիտասարդ հովիւը  
գետի ափին քշում էր հօտը, իւր սրինգն  
ածելով: Եղիսաբէթը նորա վերայ ուղղեց  
իւր հայեացքը եւ մտածեց.— «Եթէ այժմ  
նա, որով զբաղուած է իմ միտքը՝  
ծնուէր իբրեւ մի գիւղացի հովիւ եւ  
եթէ այժմ նա քշէր իւր հօտը իմ մօտից,  
Ա՛խ, ես ժպտալով կ' ողջունէի նորան եւ

կասէի քաղցրաժպիտ. «Բարեւ, սիրելի հո-  
ւիւ, ո՛ւր ես քշում դու քո հօտը: Այստեղ  
բռնումեն կանաչ խոտերը քո ոչխարները  
համար եւ այստեղ բացւում են կարմիր ծա-  
ղիկները, որոնցից կարելի է հիւսել քո գլխար-  
կի համար պսակ...». Նա կը նայէր ինձ  
քաղցր՝ հայեացքով եւ շատ կարելի է բռ-  
նէր իմ ձեռքը... Յնորքներ... Հովիւը ամե-  
լով իւր սրինգը, հասաւ նորա մօտ եւ իւր  
խայտաճամուկ հօտով ծածկուեցաւ մօտա-  
կայ բլրակի յետեւ:

✓ Յանկարծ Եղիսաբէթը թիակների աղ-  
մուկ լսեց, նայեց գետը եւ տեսաւ մի նա-  
ւակ, իսկ նաւակի մէջ Էրաստին:

Նորա բոլոր երակները սկսան բարա-  
խել եւ իհարկէ ոչ երկիւղից: Նա վերկա-  
ցաւ, կամեցաւ գնալ, բայց չը կարողացաւ  
Էրաստը դուրս եկաւ ավիր, մօտեցաւ Եղի-  
սաբէթին եւ մասամբ նորա ցնորքները կա-  
տարուեցան, որովհետեւ նա նայեց Եղիսա-  
բէթին քաղցր հայեացքով, բռնեց նորա

ձեռքը... Աւանդ Եղիաաբէթ... Եղիաաբէթը  
կանգնած էր խոնարհ հայեացքով, բոցերի  
նման կարմրած այտերով, տաւտանեալ սրբ-  
տով. — ջը կարողացաւ յետ առնել նորանից  
ձեռքը, ջը կարողացաւ դարձնել իւր երեսը,  
երբ նա մօտեցաւ Եղիաաբէթին իւր վար-  
դագոյն շրթունքներով... Այս, Երասուր  
համբուրեց նորան, համբուրեց այնպիսի  
ջերմագին, որ ամբողջ տիեզերքը նորան  
երեւեցաւ այրուող կրակի մէջ:

— Սիրելի Եղիաաբէթ, ասաց Երասուր,  
չքնաղ Եղիաաբէթ, ես սիրումեմ քեզ: Եւ  
այս խօսքերը դուրս էին բղխում նորա հո-  
գու խորքերից, որպէս երկնային զմայլեց-  
նող երաժշտութիւն. նա հաղիւ հազ հա-  
մարձակուեցաւ հաւատալ իւր ականջներին  
եւ... բայց ես վայր եմ ձգում իմ վրձինս:  
Կասեմ միայն, որ այս վայրկեանում հըր-  
ձուանքը աներեւութացրեց Եղիաաբէթի եր-  
կիւղը, Երասուր իմացաւ, որ ինքը սիրումէ,  
նորա անարատ, մաքուր եւ անկեղծ սրտով:

Եղիաաբէթ

Նոքա նստեցին խոտերի վերայ, ոչ հե-  
ւու իրարուց եւ նայում էին միմեանց աչքե-  
րի մէջ, ու իրար ասում. «Սիրիւ  
նձ». երկու ժամը նոցա երեւեցաւ իբ-  
եւ երկու ակնթարթ: Վերջապէս Եղիսա-  
էթը յիշեց, որ իւր մայրը կարող է ան-  
անգիստ լինել, պէտքէ գնալ:

— Ա՛խ, էրաստ, ասաց նա, միշտ,  
սրդեօք, դու ինձ կը սիրե՞ս

— Միշտ եւ հանապազ, սիրելի Եղի-  
սաբէթ, պատասխանեց նա:

— Եւ այդ բանի համար դու կարո՞ղ  
ես երդուել:

— Կարողեմ, սիրելի Եղիսաբէթ, կա-  
րողեմ:

— Ո՛չ, ինձ հարկաւոր չէ երդումը: Ես  
հաւատումեմ քեզ, է՛րաստ, հաւատումեմ:  
Միթէ՞ դու թշուառ Եղիսաբէթին կը խա-  
բես, — այդ անկարելի է:

— Անկարելի է, անկարելի, սիրելի Եղի-  
սաբէթ:

— Ի՛նչպէս ես բախտաւոր եմ եւ ի՛նչ-  
պէս կ' ուրախանայ մայրիկս, երբ կ' իմանայ,

որ դու ինձ սիրում ես:

— Ախ, ոչ, Եղիսաբէթ, նորան չ'պէտքէ ոչինչ ասել:

— Ինչո՞ւ.

— Հին մարդիկը կասկածաւոր են: Նա կ'երեւակայէ մի որ եւ է վատ բան:

— Ձի կարող այդպէս պատահել:

— Բայց եւ այնպէս՝ խնդրումեմ քեզ սորա մասին նորան ոչ մի խօսք չ'ասել:

— Լաւ, պէտք է քեզ լսել, չը նայելով որ ես չէի կամենայ ոչինչ թագցնել նորանից: Նոքա գրկախառնուեցան, համբուրուեցան վերջին անգամ եւ խոստացան ամեն երեկոյ տեսնուիլ միմեանց հետ, կամ գետի ափին, կամ թղտենիների անտառում, կամ որ եւ է տեղ Եղիսաբէթի խրճթի մօտ. միայն անպատճառ տեսնուիլ: Եղիսաբէթը գնաց, սակայն նորա աչքերը հարիւր անգամ դարձան դէպի Կրաստը, որը կրկին կանգնած էր գետի ափին եւ նայում էր իւր յետեւից:

Եղիսաբէթը հասաւ իրանց խորճիթը  
ոչ այն տրամադրութեամբ, ինչ տրամա-  
դրութեան տակ այն տեղից դուրս էր  
գնացել: Դէմքի եւ նորա բոլոր անդամ-  
ների շարժողութեանց մէջ երեւում էր ներ-  
քին ուրախութիւն: «Նա ինձ սիրում է»,  
մտածում էր նա եւ հրճւում էր այդ մտո-  
քով: — «Ս. խ, մայրիկ», ասաց Եղիսաբէթը  
իւր մօտը, որը հազիւ թէ արթնացաւ:  
«Ս. խ, մայրիկ, ի՞նչ գեղեցիկ առաւօտ է,  
ինչպէ՞ս ամեն ինչ ուրախ են դաշտում. —  
ո՛չ մի ժամանակ արտուտները այդպէս  
գեղեցիկ չեն երգել, ո՛չ մի ժամանակ  
արեգակը այդպէս լուսաւոր չի փայլել, ո՛չ  
մի ժամանակ ծաղիկները այդպէս ախոր-  
ժելի կերպով չեն բուրել»: Պառաւր յե-  
նուելով կռնափայտի վերայ, դուրս եկաւ  
մարգագետինը՝ որպէս զի դուարձանար այն  
առաւօտով, որ Եղիսաբէթը այնպէս հրա-  
շալի գոյներով նկարագրեց: Առաւօտը ինքն  
ըստ ինքեան երեւեցաւ նորան ախորժե-  
լի. սիրելի աղջկայ ուրախութեան հետ  
ուրախ երեւաց նորան եւ ողջ բնութիւնը:

բնութիւնը

— Ա՛խ, Եղիսաբէթ, ասում էր նա,   
ինչպէս Աստուած ամեն բան լաւ է ստեղծել:   
Վաթսուն տարի ապրումեմ երկրիս վերայ,   
բայց կրկին չեմ կարողանում դիտել Աստու-   
ծոյ ստեղծած բոլոր հրաշալիքները, չեմ   
կարողանում դիտել մաքուր երկնակամարը,   
որ նման է ահագին վրանին եւ այն հո-   
ղին, որ ծածկում է ամեն տարի նոր   
խոտով եւ նոր ծաղիկներով: Երկնային   
Թագաւորը շատ է սիրել մարդուն, որ   
այսպէս լաւ զարգարել է այս աշխարհը:   
Ա՛խ, Եղիսաբէթ, ո՞վ կը ցանկանար մեռ-   
նել, եթէ մեզ երբեմն մի որ եւ է ցաւ ջը ✓   
լինէր... Երեւումէ այդպէս պէտքէ լինի:   
Շատ կարելի է մենք մտանայինք մեր հո-   
գիները, եթէ ոչ մի անգամ արցունք ջը   
հոսէր մեր աչքերից: Իսկ Եղիսաբէթը   
մտածում էր. «Ա՛խ, ես աւելի շուտ կը   
մտանամ իմ հոգին, քան թէ իմ սիրելի   
Երասուխ:»

Սորանից յետոյ Երասուր եւ Եղիսաբէ-   
թը, վախենալով ուխտադրուծ գտնուելուց,

ամեն երեկոյ տեսնուամ էին (երբոր Եղիսա-  
բէթի մայրը պարկուամ էր քնելու), կամ գե-  
տի ափին, կամ թղտենիների անտառում.  
Իսկ ամենից յաճախ տեսնուամ էին հարիւ-  
րամեայ կաղնիների օտուերների տակ (խրճը-  
թից ութոուն սաժէն հեռու) — կաղնիները,  
որոնք հովանաւորում էին խոր եւ մաքուր  
լիճը, որ փորուած էր շատ հնուց: Այնտեղ  
յաճախ հանդարտ լուսնեակը, կանաչ ճիւ-  
ղերի միջից, իւր արծաթափայլ ճառագայթ-  
ներով փայլեցնում էր Եղիսաբէթի փայլուն  
մազերը, որոնք խաղում էին զեփիւռից եւ  
սիրելի ընկերոջ ձեռքը: Յաճախ եւ ճա-  
ռագայթները լուսաւորում էին քնքոյշ Եղի-  
սաբէթի աչքերի մէջ գտնուած սիրոյ փայ-  
լուն արցունքները, որոնք միշտ չորանում  
էին Էրաստի համբոյրներով: Նոքա գլ լուե-  
ցան առանց մոռանալու ամօթխածու-  
թիւնը, սուրբ, անարատ էր նոցա գրկա-  
խառնութիւնը:

— Երբ դու, ասում էր Եղիսաբէթը  
Էրաստին, երբ դու կասես ինձ, ես սիրում



եմ քեզ, իմ ընկերուհիս, երբ կը սեղմես  
ինձ քո կրծքին եւ կը նայես ինձ վերայ քո  
սրտառուչ աչքերով. — Ա՛խ, այն ժամանակ  
այնպէս լաւ կը լինի ինձ համար, այնպէ՛ս,  
որ ես ինքս ինձ կը մոռանամ, կը մոռա-  
նամ բոլորը, բացի էրաստից, զարմանա-  
լի է, զարմանալի, սիրելի՛ս, որ ես քեզ  
դեռ չը ճանաչած կարողանում էի հան-  
դարտ եւ ուրախ ապրել: Այժմ ինձ այդ  
անհասկանալի է, միմիայն այսքան գիտեմ,  
որ առանց քեզ ապրելը ապրել չէ, այլ տրիս-  
րութիւն եւ ձանձրոյթ: Առանց քո աչքերի՝  
փայլուն լուսնեակը խաւար է, առանց քո  
ձայնի՝ երգող սոխակը տխուր է, առանց  
քո շնչառութեան՝ հողմը ինձ համար անա-  
խորժ է:

Էրաստը ոգեւորուեցաւ իւր հովու- ✓  
հիով, այսպէս էր կոչում նա Եղիսաբէթին,  
եւ տեսնելով թէ ինչքան Եղիսաբէթը սի-  
րում է նորան, ինքն իրեն աւելի սիրելի էր  
թւում: Աշխարհիս բոլոր փայլուն զուար-  
ճութիւնները նորան թւում էին աննշան՝

Համեմատած այն բառականութիւնների հետ, որոնցով անմեղ հոգու տարիաւոր բարեկամութիւնը սնունդ էր տալիս նորա սրբտին: Զգուանքով նա մտաբերում էր այն նախատելի հեշտասիրութիւնը, որով նորա զգացմունքները առաջ կերակրւում էին: «Ես պէտքէ ապրեմ Եղիսաբէթի հետ, որպէս եղբայրը ըրոջ հետ, մտածում էր նա այդ սիրոյ մէջ բոլորովին ոչ մի շար բան չը գործածելով, ու միշտ, երջանիկ կը լինեմ»: Անխոհեմ երիտասարդ, ճանաչումէս արդեօք քո սիրտը: Միշտ կարողե՞ս արդեօք պատասխան տալ քո շաժմունքներիդ համար, արդեօք մտածմունքդ միշտ թաղաւորումէ՞ քո զգացմունքներին:

Անքի. Ես

✓ Եղիսաբէթը պահանջում էր, որ Կրաստը շուտ շուտ այցելէր իւր մօրը: «Ես սիրումեմ նորան, ասում էր նա, եւ բարի եմ ցանկանում նորա համար, իսկ ինձ թւում է որ քեզ տեսնելը մեծ բարեբախտութիւն է բոլորի համար»: — Պառաւր միշտ ուրախանում էր նորան տեսնելիս: Նա սիրում էր

նորա հետ խօսալ իւր հանգուցեալ ամուս-  
նու մասին եւ պատմել նորան իւր երիտա-  
սարդութեան օրերը. նորա մասին, թէ  
ինչպէս նա առաջին անգամ պատահեցաւ  
իւր սիրելի Յովհաննէսին, թէ ինչպէս սի-  
րեց նորան, ինչպէս սիրով եւ համաձայնու-  
թեամբ ապրում էր նորա հետ: «Ս. Խ, մենք  
չէինք կարողանում միմեանց նայելով կշտա-  
նալ, մինչեւ դաժան մահը կտրեց նորա  
կեանքի թելը: Նա մեռաւ իմ ձեռքերիս  
վերայ»: Երաստը լսում էր նորան անկեժ  
հրճուանքով: Նա նորանից գնում էր Եղի-  
սաբէթի ձեռագործը եւ կամենում էր միշտ  
տասնապատիկ թանգ վճարել նորա նշա-  
նակած գնից, բայց պառաւը ոչ մի անգամ  
չէր վերցնում աւելորդ:

Այսպէս անցաւ մի քանի շաբաթ: Մի  
անգամ երեկոյեան Երաստը շատ երկար  
սպասեց իւր Եղիսաբէթին: Վերջապէս նա  
եկաւ, բայց այնպէս տխուր, որ Երաստը  
վախեցաւ, նորա աչքերը արցունքից կար-  
մրել էին:

— Եղիսաբէթ, Եղիսաբէթ, ի՞նչ է պատահել քեզ:

— Ա՛խ, Էրաստ ես լաց եմ եղել.

— Ինչո՞ւ, ի՞նչի համար.

— Ես պէտքէ ասեմ քեզ բոլորը: Ինձ համար յայտնուել է մի ամուսին, հարեւան հարուստ գիւղացու որդին է, մայրիկս կամենում է, որ ես նորան ուզեմ:

— Եւ դու համաձայնումե՞ս:

— Անգո՞ւթ, միթէ՞ կարելի է դորա մասին հարցնել: Այո, ես խղճումեմ մայրիկիս, նա լալիս է եւ ասում, թէ ես չեմ ուզում նորա հանգստութիւնը, որ նա մահուան ժամանակ կը չարչարուի, եթէ ինձ համար չը կարողանայ մի ամուսին գտնել: Ա՛խ, մայրիկս չը գիտէ, որ ես քեզ պէս սիրելի ընկեր ունեմ:

Էրաստը համբուրեց Եղիսաբէթին, ասաց, թէ իւր համար աշխարհիս վերայ ամեն բանից թանգ արժէ նորա բախտաւորութիւնը, թէ նորա մօր մահուանից յետոյ նա կը վերցնի Եղիսաբէթին իւր մօտ եւ

անբաժան կապրի նորա հետ, գիւղումը, խիտ  
անտառներում՝ որպէս դրախտի մէջ:

— Սակայն դու չես կարող իմ ամուսին  
լինել, ասաց Եղիսաբէթը, հանդարտ  
հառաչելով:

— Ինչո՞ւ համար չեմ կարող.

— Որոհետե՛ւ ես գեղջկուհի եմ:

— Ի՞նչ անպատու՞ւմ ես ինձ, Եղիսաբէթ:

Քո բարեկամի համար ամենա կարեւորն է  
հոգին՝ զգայուն եւ անմեղ հոգին եւ Եղիսա-  
բէթը կը լինի միշտ ամենից մօտ իմ սրտին:

Եղիսաբէթը ընկաւ նորա գիրկը՝ ար-  
դէն հասել էր այն վայրկեանը, երբ օրիոր-  
դի անարատութիւնը, պէտք է չքանար:  
Երատը զգում էր մի անսովոր յուզ-  
մունք իւր արեան մէջ. երբէք Եղիսաբէթը  
նորան այնքան գեղեցիկ չէր թուել, երբէք  
նորա փաղաքշամքը չէին յուզել նորան այն-  
պէս սաստիկ, երբէք նորա համբոյրները  
չէին եղել այնպէս բոցավառ. Եղիսաբէ-  
թը ոչինչ չէր գիտում, ոչինչ չէր կա-  
կածում, ոչնչից չէր վախենում՝ երեկոյեան

խաւարը աւելի յագեցնում էր ցանկութեանը: Ա՛յ մի աստղ չէր փայլում երկնակամարի վերայ, ո՛չ մի ճառագայթ չէր կարողանում լուսաւորել մոլորութիւնը: Երաստը իւր մէջ սարսափ էր զգում. նոյնպէս եւ Եղիսաբէթը, չը գիտենալով ինչից, չը գիտենալով թէ՛ ի՞նչ է պատահում իրան... Ա՛խ, Եղիսաբէթ, Եղիսաբէթ, որտեղ է քո պահապան հրեշտակը, որտեղ է քո անմեղութիւնը...:

Այդ  
ժամ

Այդ մոլորութիւնը մի ըռպէից յետոյ անցաւ: Եղիսաբէթը չէր հասկանում իւր զգացմունքը, զարմանում էր նա եւ հարցնում: Երաստը լուռ էր՝ խօսքեր էր փրնառում եւ չէր կարողանում գտնել:

— Ա՛խ, ես երկնչում եմ, ասաց Եղիսաբէթը, վախենում եմ նորանից, ի՞նչ որ այժմ պատահեցաւ մեզ հետ, ինձ թւում է, կարծես թէ մեռնում եմ, որ իմ հոգին... Ա՛յ, չեմ կարող այդ ասել: Գուրում ես Երաստ, հառաչում ես... Տէր իմ Աստուած, ի՞նչ բան է այս...: Այդ միջոցին

փայլեց կայծակը եւ թնդաց որոտը: Եղի-  
սաբէթը բոլորովին դողում էր:

— Էրանստ, էրանստ, ասում էր նա,  
ղարհուրելի է, ես երկնչում եմ, որ  
կայծակը սպանի ինձ, որպէս մեղաւորի:

Խստութեամբ աղմկում էր փոթորիկը,  
սեւ ամպերից անձրեւ էր թափւում, կար-  
ծես թէ բնութիւնը տրտնջում էր Եղիսա-  
բէթի ողջախոհութեան կորստի համար:  
Էրաստը աշխատում էր հանդարտեցնել Եղի-  
սաբէթին, ուստի ուղեկցեց նորան մինչեւ  
խրճիթը: Արցունքները գլորւում էին նո-  
րա աչքերից, երբ էրաստը արդէն պատ-  
րաստւում էր հեռանալ:

— Ա՛խ, էրաստ, հաւատացրու ինձ,  
որ մենք առաջուայ պէս բախտաւոր կը  
լինենք:

— Կը լինենք, Եղիսաբէթ, կը լինենք.  
պատասխանեց նա:

— Տայ Ստուած: Ես չեմ կարող չը  
հաւատալ քո խօսքերին, իմացիր որ ես քեզ  
սիրում եմ, միայն իմ սրտիս մէջ...: Բայց

բաւական է, ցտեսութիւնն, վաղը կը տեսնուենք:

Նոցա տեսակցութիւնները շարունակուում էին, բայց ինչպէս բոլորը փոխուեցաւ: Կրաստը չէր կարողանում բաւականաւ միայն իւր Եղիսաբէթի անմեղ փաղաքշանքներով, միայն նորա սիրելի հայեացքով, միայն նորա ձեռքերի շփամբը, միայն համբոյրներով, միայն անարատ գլրկախառնութիւններով: Նա կամենում էր աւելի, աւելի եւ վերջապէս ոչինչ չէր կարողանում կամենալ. բայց ով որ ճանաչում է իւր սիրտը, ով որ մտածել է նորա ամենաքրքոյշ բաւականութիւնների յատկութիւնների մասին, նա իհարկ է կը համաձայնի ինձ հետ, որ բոլոր ցանկութեանց կատարումը, սիրոյ ամենավտանգաւոր փորձանքն է:

հեղ.

Եղիսաբէթը Կրաստի համար այն անարատութեան հրեշտակը չէր այլ եւս, որ բորբոքում էր առաջ նորա երեւակայութիւնը եւ զմայլեցնում էր հոգին: Պղաժոճական



սէրը տեղի տուաւ այնպիսի զգացմանց,  
որոնցով նա չէր կարող հպարտանալ  
եւ որոնք նորա համար նոր չէին. ինչ վե-  
րաբերում էր Եղիսաբէթին, նա լիովին  
անձնատուր լինելով նորան, նրանով էր  
միայն ապրում եւ շնչում, ամեն բանի  
մէջ հնազանդում էր նորա կամքին  
ինչպէս գառը, եւ նորա բաւականութեան  
մէջ ենթադրում էր իւր երջանկութիւնը:  
Նա տեսնում էր Էրաստի մէջ փոփո-  
խութիւն եւ յաճախ ասում էր նորան:

— Առաջ դու աւելի ուրախ էիր լի-  
նում, առաջ մենք աւելի խաղաղ էինք եւ  
բախտաւոր, առաջ այնքան չէի վախենում  
կորցնել քո սէրը:

Երբեմն «Ծառ Բարեի» ժամանակ  
Էրաստը ասում էր նորան. «Վաղը չեմ  
կարող թեզ հետ տեսնուիլ, Եղիսաբէթ,  
ինձ մի հարկաւոր գործ պատահեց»: Եւ  
միշտ այսպիսի խօսքեր ասելու ժամանակ  
Եղիսաբէթը հառաչում էր:

Վերջապէս հինգ օր շարունակ Եղիսաբէթը չը տեսաւ Երաստին, ուստի սաստիկ անհանգիստ էր: Վեցերորդ օրը Երաստը եկաւ տխուր դէմքով եւ ասաց նորան.

— Սիրելի Եղիսաբէթ, ես պէտքէ մի որոշեալ ժամանակով քեզանից բաժանուեմ: Դու գիտես, որ մենք պատերազմ ունենք, ես էլ ծառայութեան մէջն եմ. զօրա—գունդս գնում է պատերազմ: Եղիսաբէթի գոյնը թուաւ՝ քիչ էր մնում ընկնէր ուշաթափ:

Երաստը փաղաքշեց նորան, ասաց, որ նա միշտ կը սիրէ իւր անգին Եղիսաբէթին եւ միշտ կարող է յուսալ որ իւր վերագառնալուց յետոյ երբէք նորանից չի բաժանուիլ: Եղիսաբէթը երկար ժամանակ լուռ մնաց, յետոյ թափելով աչքերից դառն արցունքի կաթիլները, բռնեց նորա ձեռքը եւ նայելով նորան սիրոյ քնքշութեամբ, հարցրեց.

— Ձե՛ս կարող արդեօք այստեղ մնալ:

— Կարող եմ, պատասխանեց նա, բայց այն ժամանակ կը մնամ բոլորովին անպատիւ: Ամենքն ինձ կ'արհամարհեն, ամենքը կը զգուեն ինձանից, իբրեւ վախկոտ եւ հայրենեաց անարժան որդուց:

— Ա՛խ, եթէ այդպէս է, ուրեմն գնա՛, ուր Աստուած հրամայում է քեզ, ասաց Եղիսաբէթը, բայց քեզ կարող են այնտեղ սպանել:

— Մահը հայրենիքի համար՝ երկիւղալի չէ, սիրելի Եղիսաբէթ:

— Ես կը մեռնեմ, եթէ գու աշխարհիս վերայ այլ եւս չեմ լինի:

— Բայց ինչո՞ւ ես այդպէս մտածում: Ես յուսով եմ կենդանի մնալ, յուսով եմ վերադառնալ քեզ մօտ՝ իմ սիրելի ընկերուհու մօտ:

— Տայ Աստուած, տայ Աստուած: Ամենայն օր, ամենայն ժամ այդ բանի համար կ'աղօթեմ: Ա՛խ, ինչու համար չը գիտեմ ո՞չ գրել, ո՞չ կարդալ: Դու կը յայտնէ իր ինձ այն բոլորը, ինչ որ քեզ հետ կը պատահէր, իսկ ես կը գրէի քեզ իմ արցունք-

Ների մասին:

— Ա՛յ, խնայի՛ր քեզ, Եղիսաբէթ, խնայի՛ր քեզ քո ընկերոջդ համար: Ես չեմ կամենում, որ դու առանց ինձ լաց լինես:

— Անգճ՛ւթ մարդ, դու կամենում ես քրկել ինձ եւ այդ ուրախութիւնից: Ա՛յ, քեզանից հեռանալուց յետոյ՝ միմիայն այն ժամանակ կը դադարեմ լաց լինելուց, երբ կը չորանայ իմ սիրտը:

— Մտածիր այն ախորժելի վայրկեանի մասին երբ մենք կրկին կը տեսնուենք:

— Կը մտածեմ, անշուշտ կը մտածեմ նորա մասին: Ա՛խ, եթէ այն վայրկեանը աւելի շուտ հասնէր: Սիրելի, անգին Էրաստ, յիշիր, յիշիր քո թշուառ Եղիսաբէթիդ, որը քեզ իրանից առաւել է սիրում:

Սակայն ես չեմ կարող նկարագրել այն բոլորը, որ նորա այդ ժամին խօսեցին: Միւս օրը նշանակեցին վերջնական տեսակցութեան ժամը:

Էրաստը ցանկացաւ մնաս բարեւ

ասել, Եղիսաբէթի մօրը՝ որը լսելով թէ  
+աղջը և գեղեցիկ պարանջ պատերազմ պէտքէ  
գնայ. չը կարողացաւ զսպել իւր արցուն-  
քը: Երաստը հարկադրեց նորան վեցնել  
իրանից մի քիչ փող, ասելով.

— Ես չեմ ուզում, որ Եղիսաբէթը լիմ  
բացակայութեան ժամանակ ծախէր իւր  
ձեռագործները, որոնք ըստ պայմանի ինձ  
են պատկանում: Պառաւը օրհնեց նորան՝  
ասելով.

— Տայ Աստուած, որ դու անվնաս  
վերադառնաս մեզ մօտ, որ կրկին  
կարողանամ քեզ տեսնել այս կեան-  
քում: Գուցէ Եղիսաբէթը մինչեւ այն  
ժամանակ իրան յարմար ամուսնացու գրու-  
նէր: Ինչպէս ես շնորհակալութիւն կը յայտ-  
նէի Աստծուն, եթէ դու այն ժամանակ գա-  
լիր մեր հարսանիքը: Իմացիր, պարոն, որ  
երբ Եղիսաբէթը երեխաներ կունենայ՝ դու  
պէտք է նոցա կնքես: Ա՛խ, ես շատ կը  
ցանկանայի մինչ այն ժամանակն ապրել:

Եղիսաբէթը կանգնած մօր մօտ չէր

համարձակուամ նայել նորան: Ընթեր-  
ցողը շատ հեշտութեամբ կարող է երեւա-  
կայել թէ արդեօք նա այդ ընկերին ինչ  
էր զգում:

Բայց ինչէր զգում նա այն ժամին,  
երբ Երաստը, վերջին անգամ գրկելով,  
վերջին անգամ սեղմելով նորան իւր կրրծ-  
քին, ասաց. «Ներիր, Եղիսաբէթ...»: Ինչ  
հրաշալի եւ սրտառուչ տեսարան էր: Առա-  
ւօտեան արշալոյսը կրակի բոցերի նը-  
ման շրջապատեց արեւելեան ամպերին,  
Երաստը կանգնած էր վիթխարի կաղնու-  
ճիւղերի տակ՝ գրկած ունենալով իւր գու-  
նաւթափ, թոյլ, վշտահար ընկերուհուն, որ  
հրաժարական ողջոյն տալով նորան, հրա-  
ժարում էր իւր հոգուցը: Ամբողջ բնու-  
թիւնը գտանւում էր լռութեան եւ խաղաղ  
անգորրութեան մէջ:

Բնութեան

Եղիսաբէթը ողբում էր, իսկ Երաստը  
լաց էր լինում. Երաստը թողեց նորան,  
նա վայր ընկաւ ծնկների վերայ, բարձրացրեց

իւր ձեռքերը դէպի երկինք եւ սկսաւ նայել  
Երաստի յետեւից, որ հետզհետէ հեռա-  
նում էր՝ հեռու, հեռու եւ վերջապէս ծած-  
կուեցաւ: Փայլում էր արեգակը, իսկ թշուառ  
Եղիսաբէթը մնացել էր զգացմունքից եւ  
յիշողութիւնից զրկուած:

Նա ուշքի գալով՝ լոյսն անգամ նո-  
րան տխուր եւ վհառեալ երեւեցաւ: Բնու-  
թեան բոլոր զուարճութիւնները փակուել  
էին նորա համար, իւր սրտի սիրելիի հետ:  
«Ա՛խ, մտածում էր նա, ինչո՞ւ համար ես  
մնացի այս անապատի մէջ: Ո՞վ կա-  
րող է ինձ արգելել եթէ թուչեմ իմ սիրելի  
Երաստի յետեւից: Պատերազմը ինձ համար  
երկիւղալի չէ, երկիւղալի է միայն այնտեղը՝  
որտեղ չը կայ իմ ընկերը: Կամենում եմ  
նորա հետ ապրել, նորա հետ մեռնել  
կամ մահուամբս փրկել նորա թանգագին  
կեանքը» . — «Սպասիր, սպասիր, սիրելիս, ես  
թուչումեմ քո յետեւից»: Այս ասելով, ար-  
դէն կամենում էր նա վազել Երաստի յե-  
տեւից, բայց «ես մայր ունեմ» միտքը: W

կանգնեցրեց նորան: Եղիսաբէթը հառա-  
ջեց եւ խոնարհեցնելով իւր գլուխը, ծանր  
բայլերով ուղեւորուեցաւ դէպի իւր խրճի-  
թը: Այս ժամից սկսած նորա համար բոլոր  
օրերը տխրութեան եւ ցաւի օրեր էին, սակայն  
նա ստիպուած էր այս բոլորը ծածկել իւր քրն-  
քոյշ մօրիցը, որով աւելի չարչարուում էր նորա  
սիրտը: Միմիայն այդ սիրտը փափակում  
էր այն ժամանակ, երբ Եղիսաբէթը առանձ-  
նանալով խիտ անտառի խորքում, կարողա-  
նում էր ազատ կերպով թափել իւր արցունքը  
եւ հառաչել իւր սիրելիի բաժանման պատ-  
ճառաւ: Տխուր տատրակը յաճախ միաց-  
նում էր իւր գանգատաւոր ձայնը, նորա  
հառաչանքների հետ: Բայց երբեմն, չը  
նայելով որ շատ հազիւ, յուսոյ ոսկեգոյն  
ճառագայթը՝ մխիթարութեան ճառագայ-  
թը, լուսաւորում էր նորա մռայլ վիշտը:—  
«Երբ նա կը վերադառնայ ինձ մօտ, ինչ-  
պէս բախտաւոր կը լինեմ: Ինչպէս բոլորը  
կը փոխուի...»: Այս մտքից նորա հայեաց-  
քը փայլում էր, այտերը վարդի գոյն էին  
ստանում եւ Եղիսաբէթը ժպտում էր որ-



պէս մայիսի առաւօտ, փոթորկալի գիշե-  
րից յետոյ: Այսպիսով անցաւ մօտ երկու  
ամիս:

Մի օր Եղիսաբէթը պէտքէ Մոսկուա  
գնար, վարդաջուր առնելու համար,  
որով դարմանում էր իւր մօր աչքերը:  
Մեծ փողոցներից մինում, նորան պա-  
տահեց մի շքեղ կառք եւ այս կառքի  
մէջ նա տեսաւ Երաստին: «Ա՛խ», աղա-  
ղակեց Եղիսաբէթը եւ վազեց դէպի նա,  
քայց կառքը մօտիկից անցնելով, դարձաւ եւ  
կանգ առաւ մի դրան առջեւ: Երաստը  
դուրս եկաւ կառքից եւ կամենում էր արդէն  
բարձրանալ մի մեծաշուք տան աստղամ-  
բի վերայ, երբ յանկարծ իրան զգաց Եղի-  
սաբէթի գրկումը: Երաստի գոյնը թռաւ, ասպա-  
ռչ մի խօսք չր պատասխանելով նորա բա-  
ցականչութեանը, բռնեց նորա ձեռքից, աս-  
րաւ իւր առանձնասենեակը, փակեց դու-  
ռն եւ ասաց Եղիսաբէթին.

— Եղիսաբէթ, հանգամանքները փո-  
խուել են, ես ամուսնացած եմ, դու

պէտք է թողնես ինձ հանգիստ եւ քո սե-  
պհական հանդարտութեանդ համար մոռա-  
նաս ինձ: Ես սիրում էի քեզ, եւ այժմս  
էլ սիրումեմ, այսինքն կամենումեմ քո  
բարութիւնը: Ահա հարիւր ռուբլի՝ վերց-  
րու (նա դրաւ փողը նորա գրպանի մէջ),  
թոյլ տուր ինձ վերջին անգամ համբուրել  
քեզ եւ գնա՛ տուն:

Մինչդեռ Եղիսաբէթը կը կարողանար  
հաւաքել իւր ուշքը, Էրաստը դուրս բե-  
րեց նորան առանձնասենեակից եւ ասաց  
ծառային. «Այս օրիորդին անցկացրու  
բազի կողմից»:

Սիրտս լցւում է այս ընկերին արիւ-  
նով: Ես ուրանումեմ Էրաստի մէջ մարդ-  
կութեան նշոյլը, պատրաստեմ նորան  
նզովելու, սակայն լեզուս չի շարժւում: Նա-  
յումեմ երկնքին, եւ արցունքները գլորւում  
են դէմքիս վերայ: Ա՛խ, ինչո՞ւ համար եմ  
գրում այս տխուր իրողութիւն, եւ ոչ թէ  
վիպասանութիւն:

1877-18-16-1877

Այսպիսով ահա, Էրաստը խաբեց  
Եղիսաբէթին, ասելով թէ պատերազմ  
է գնում զօրքի հետ: Ո՛չ, նա իսկապէս  
եղել էր զօրքի հետ պատերազմում, սակայն  
փոխանակ մարտնչելու թշնամեաց դէմ,  
թուղթ էր խաղում եւ այդպիսով տանուլ  
է տալիս գրեթէ բոլոր իւր կարողու- ✓  
թիւնը՝ իւր ունեցած չունեցածը: Շուտով  
դաշն կապուեցաւ եւ Էրաստը վերա-  
դարձաւ Մոսկուա՝ բեռնաւորուած ահա-  
գին պարտքերով: Նորան միմիայն մ՛նում  
էր մի միջոց, իւր հանքամանքները ուղ- ✓  
ղելու համար, այն է՝ ամուսնանալ այն-  
չափահաս ու հարուստ այրիի հետ, որ վա-  
ղուց սիրահարուած էր Էրաստի վերայ:  
Այդ բանը նա վճռելով, տեղափոխուեց  
այրիի տունը, տալով իւր Եղիսաբէթին  
հառաչանք: Բայց այդ ամենը կարո՞ղ են  
արդեօք նորան արդարացնել:

Եղիսաբէթը ուշքի եկաւ փողոցումը  
եւ այնպիսի դրութեան մէջ, որ չի կա-  
րող նկարագրել ոչ մի գրիչ:— «Նա ար-

տաքսեց ինձ: Նա միթէ սիրում է ուրիշին:  
Նա կորած եմ»: Ահաւասիկ նորա մտքերն  
եւ նորա զգացմունքը:

Անգուժ ուշաթափութիւնը մի առ  
ժամանակ ընդմիջեց այդ մտքերը: Մի  
բարի կին, որ այդ փողոցով անց էր կե-  
նում, Եղիսաբէթի մօտ կանգ առաւ, որը  
ձգուած էր գետնի վերայ, եւ աշխատեց  
ուշքի բերել նորան: Թշուառը ըաց առաւ  
աչքերը՝ կանգնեց այս բարի կնոջ օգնու-  
թեամբ, շնորհակալութիւն յայտնեց նորան  
եւ շարունակեց իւր ճանապարհը, ինքն  
էլ չիմանալով թէ ուր է գնում:

— Ես ապրել չեմ կարող, մտածում  
էր Եղիսաբէթը, ո՛չ, չի՛ կարելի ապրել...  
Ս, եթէ երկինքը փուլ գար ինձ վերայ,  
եթէ երկիրը կլանէր թշուառիս... Ո՛չ, եր-  
կինքը չի ընկնում ցած, երկիրը չի շարժւում,  
վայ ինձ...:

Նա դուրս եկաւ քաղաքից եւ յան-  
կարծ իրան տեսաւ մի խոր լճի ափին:

Հին կաղնիների ստուերների տակ, որոնք  
մի քանի շաբաթ առաջ անխօս վկաներ  
էին նորա հրճուանքների: Այս յիշողու-  
թիւնը յուզեց նորա հոգին՝ սրտի երկիւ-  
ղալի չարչարանքը ձեւակերպուեցաւ նորա  
դէմքի վերայ: Բայց մի քանի րոպէից յե-  
տոյ ընկղմուեցաւ նա մտածութեան մէջ, յե-  
տոյ նայեց իւր շուրջը եւ տեսաւ իւր հա-  
րեւանի դասերը՝ տասնուհինգ ամեայ օրի-  
որդին, որը գնում էր այդ ճանապարհով,  
աղաղակեց նորա յետեւից, հանեց իւր գլը-  
պանից տասը հատ ոսկի եւ տալով նորան,  
ասաց. — «Սիրելի, Աննա, սիրելի ընկերու-  
հի, տա՛ր այս փողերը եւ մայրիկիս տուր,  
տոքա գողացած չեն, ասա՛ նորան, որ Եղի-  
սաբէթը նորա առաջ մեղաւոր է, որ ես  
թագցրել եմ նորանից իմ սէրը մի անգութ  
մարդու համար, է... ի համար: Ի՞նչ հար-  
կաւոր է իմանալ նորա անունը: Ասա՛,  
որ այդ մարդը դաւաճանել է ինձ,  
խնդրիր, որպէս զի մայրիկս ներէ ինձ,  
Աստուած նորա օգնականը կը լինի, համ-  
բուրիր նորա ձեռքն այնպէս, ինչպէս

այժմ ես համբուրում եմ քո ձեռքը, ասա՛,  
որ թշուառ Եղիսաբէթը հրամայեց համ-  
բուրել, ասա՛, որ ես... »:

Սյստեղ Եղիսաբէթը իրեն ձգեց  
ջուրը: Աննան աղաղակեց, լաց եղաւ, սա-  
կայն չք կարողացաւ նորան փրկել: Վազեց  
գիւղը, հաւաքուեցան մարդիկ եւ Եղիսա-  
բէթին դուրս հանեցին ջրից. բայց նա  
արդէն մեռած էր:

Սյս կերպով, վերջացրեց իւր կեանքը՝  
հոգուով եւ մարմնով գեղեցիկ Եղիսաբէթը:  
Երբ մենք այնտեղ, նոր կեանքումը, կը  
տեսնուենք, ես կը ճանաչեմ քեզ, քնքոյշ  
Եղիսաբէթ:

Նորան թաղեցին լճի մօտ եղած  
մաւալ կաղնու տակ եւ կանգնացրին նորա  
գերեզմանի վերայ փայտէ խաչ: Սյստեղ  
յաճախ մտածմանց մէջ ընդմուտ. նստում  
եմ լուռ, յենուելով Եղիսաբէթի աճիւնի  
դամբարանի վերայ: Աչքիս առջեւ լիճն է

հեղինակ

Տաճանուով, գլխիս վերեւ խաղում են  
տերեւները:

Եղիսաբէթի մայրը լսելով իւր դստեր  
զարհուրելի վախճանը, երկիւղից նորա ար-  
իւնը սառեց եւ աչքերը յաւիտեան փա-  
կուեցան: Խրճիթը ամայացաւ: Նորա-  
նում փչում է քամին եւ նախապաշարեալ  
շինականները, լսելով գիշեր ժամանակ այդ  
աղմուկը՝ ասում են. «Այնտեղ հառաչում  
է մեռելը, այնտեղ հառաչում է թշուառ  
Եղիսաբէթը»:

Երաստը մինչեւ իւր կենաց վերջը  
անբախտ էր: Լսելով Եղիսաբէթի թշուառ  
վախճանը, նա չը կարողացաւ մխիթա-  
րուիլ եւ իրան մադասպան էր համարում:

Ես ծանօթացայ նորա հետ իւր մա-  
հուանից մի տարի առաջ: Նա ինքը պատ-  
մեց այս պատմութիւնը եւ տարաւ ինձ  
Եղիսաբէթի գերեզմանի մօտ: Միայն,  
այժմ գուցէ նորա արդէն հաշտուել են:

Handwritten purple ink markings, including a large 'X' and some illegible characters.

Handwritten grey ink markings, possibly initials or a signature.

Վաճառում է կենդանական եւ կոմ-  
կասեան գրաւաճառանոցներում:

գինն է 10 կոպ.

Օտար քաղաքացիք կարող են գիմել  
Թարգմանչին հետեւեալ հասցէով

Тифлисъ. Базарная ул. домъ № 4,  
Давиду Теръ - Давдянцъ.



3750

2013





891.

4 -